



Broj: 04-16-7-19-10/22

Datum: 6.6.2022.

Na osnovu člana 64. stav 1, tačka b), člana 70. stav. 1, 3. i 6. Zakona o javnim nabavkama Bosne i Hercegovine („Sl. glasnik BiH“, broj: 39/14), člana 8. Stav 2. Tačka d) Pravilnika o uspostavljanju i radu Komisije za nabavke („Službeni glasnik BiH broj: 103/14) i člana 8. Zakona o Agenciji za rad i zapošljavanje Bosne i Hercegovine („Službeni glasnik BiH, broj:21/03 i 43/09) direktor Agencije za rad i zapošljavanje Bosne i Hercegovine donio je

ODLUKU o prihvatanju ponude

Član 1.

Na osnovu Preporuke Komisije za javne nabavke br. 04-16-7-19-8/22 od 6.6.2022. godine u postupku broj 04-16-7-19-1/22 od 24.5.2022. godine dodjeljuje se Ugovor za javnu nabavku usluga aviotransporta putnika najpovoljnijem ponuđaču **Centrotrans-Eurolines d.d. Sarajevo**, ponuda br. 1/2687/22 od 6.6.2022. godine za ponudenu cijenu od 500,00 KM bez PDV-a, odnosno 585,00 KM sa uključenim PDV-om koja se odnosi na agencijsku naknadu prilikom rezervacije aviokarata.

Član 2.

Za izvršenje ove odluke zadužuje se i ovlašćuje Odsjek za računovodstvene poslove.

Član 3.

Ova odluka objavit će se na web-stranici Agencije istovremeno sa upućivanjem ponuđačima koji su učestvovali u postupku javne nabavke, u skladu s članom 70. Stav 6. Zakona o javnim nabavkama Bosne i Hercegovine.

Član. 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 04-16-7-19-1/22 od 24.5.2022. godine. Javna nabavka je provedena putem konkurentskog sporazuma.

Procijenjena vrijednost javne nabavke iznosi do 12.820,50 KM bez PDV-a, a odnosi se na pružanje usluga aviotransporta putnika.

Obavještenje o javnoj nabavci objavljeno je na portalu „e-nabavke“, broj obavještenja 1042-7-2-13-3-2/22 od 25.5.2022. godine, kao i tenderska dokumentacija.

Komisija za javnu nabavku ugovornog organa dostavila je direktoru Zapisnik o pregledu i ocjeni ponuda broj: 04-16-7-19-7/22 od 6.6.2026. godine, Izvještaj o radu komisije broj: 04-16-7-19-8/22 od 6.6.2022. godine i Preporuku o izboru najpovoljnijeg ponuđača broj: 04-16-7-19-9/22 od 6.6.2022. godine.

Ponude su dostavili ponuđači Centrotrans-Eurolines d.d. Sarajevo sa cijenom od 500,00 KM bez PDV-a, te Ventura Travel Agency d.o.o. Travnik sa cijenom od 1.000,00 KM bez PDV-a. Uvidom u ponude primjećeno je da ponuda ponuđača Ventura Travel Agency d.o.o. Travnik u smislu sadržaja i potpunosti ne odgovara uslovima propisanim tenderskom dokumentacijom, te je iz tog razloga proglašena nekvalifikovanom. Samim tim ponuda ponuđača Centrotrans-Eurolines d.d. Sarajevo ostala je jedina kvalifikovana ponuda.

U postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavke.

U postupku donošenja ove odluke, posebno su cijenjene činjenice da je Komisija za nabavke, pravilno i potpuno dala ocjenu ponude u skladu sa kriterijima navedenim u tenderskoj dokumentaciji, te da je u svemu pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine i podzakonskim aktima zbog čega je odlučeno kao u dispozitivu ove odluke.

Pouka o pravnom lijeku: protiv ove Odluke može se izjaviti žalba, najkasnije u roku od pet (5) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom.

Dostaviti:

- Ponuđaču x 2
- Komisija za javne nabavke
- Odsjeku za računovodstvene poslove
- a/a

